


# Bibliya Para sa mga Bata

## Ilinalahad

### Ang Mabuting Samaritano



Sinulat ni: Edward Hughes  
Ilinarawan ni: M. Maillot at Lazarus  
Ibinagay ni: Ruth Klassen at Sarah S.

Alastair Paterson

Isinalin ni: Christine Cornejo  
Yinari ng: Bible for Children  
[www.M1914.org](http://www.M1914.org)

BFC

PO Box 3

Winnipeg, MB R3C 2G1

Canada

©2022 Bible for Children, Inc.

Lisensya: May karapatan kayong magkopya o mag-imprenta  
ng kuwento, kung hindi ninyo ipagbibili.



"Guro, ano ang dapat kong gawin upang magkaroon ako ng buhay na walang hanggan?" Ito ang tanong ng isang dalubhasang lumapit kay Hesus upang Siya'y subukin.

"Ano ba


ang nakasulat sa Kautusan?" ang sagot ni Hesus.




"Ibigin mo ang Diyos at ang  
iyong kapwa," sabi ng  
lalaki. "Ngunit sino ang  
aking kapwa?"



Upang masagot ang tanong ng lalaki,  
si Hesus ay nagkwento tungkol sa  
isang taong naglalakbay  
mula sa Jerusalem  
papuntang Jerico.  
Hinarang siya ng  
mga tulisan.



Kinuha ang lahat ng gamit ng manlalakbay, pati  
ang damit sa kanyang katawan! Siya ay  
binugbog at iniwan sa daan ng  
halos walang buhay.




Nagkataong dumaan doon ang isang  
pari. Siguradong siya ay tutulong  
sa sugatang lalaki. Ngunit  
hindi! Nang makita  
ang



taong duguan,  
lumihis siya at  
nagpatuloy sa kanyang paglakad sa kabila ng daan.



Pagkatapos ay may isa na namang parating. Siya ay isang Levita- ang mga taong tumutulong sa mga pari sa templo. Nilapitan at tinignan ang taong nabugbog, ngunit




siya ay nagpatuloy  
din sa paglalakad at hindi tumulong.






Ngunit may isang Samaritanong dumaan.  
Galit ang mga Hudyo sa mga Samaritano.  
Ang mga nakikinig kay Hesus ay hindi  
inakala na isang Samaritano  
ang magiging mabait  
sa kwento.




Ngunit ang  
Samaritano ang  
naawa at huminto para tumulong.



Ang Samaritano ay lumuhod, at nilagyan ng gamot at benda ang sugat ng lalaki. Pagkatapos ay isinakay niya ang lalaki sa kanyang asno.





Sa isang bahay-panuluyan,  
inalagaan ng Samaritano  
ang lalaki buong gabi.




Kinabukasan, nagbayad ang Samaritano  
sa may-ari ng bahay-panuluyan upang  
alagaan ang lalaki  
hanggang sa  
siya'y maging  
mabuti muli.



Nang matapos ang kwento, nagtanong si Hesus, "Sino kaya sa tatlo ang naging tunay na kapwa sa taong nasaktan?"






Ang sagot ng dalubhasa, "Ang kanyang kapwa ay ang Samaritano na tumulong sa kanya."



"Sige ganoon din ang iyong gawin," ang sabi ni Hesus. Ang kapwa ay ang sino mang nangangailangan. Maari

nating mapakita ang ating pagmamahal sa pamamagitan ng pagtulog sa mga taong nangangailangan. Iyan ay kalugod-lugod sa Diyos.



Ang Mabuting Samaritano

isang kuwentong nanggagaling sa  
Salita ng Diyos, ang Bibliya,

makikita sa

Lucas 10

"Ang bukas ng iyong mga Salita ay  
nagbibigay ng liwanag." Mga Awit 119:130





*Ang Wakas*



Ang kuwentong ito sa Bibliya ay nagsasabi sa atin tungkul sa kahanga-  
hangang Diyos na lumikha sa atin at ibig Niyang aalamin natin Siya.

Alam ng Panginoon na tayo'y gumagawa ng masamang bagay, na  
tinatawag na kasalanan. Ang parusa ng kasalanan ay kamatayan,  
ngunit mahal na mahal tayo Niya na ipinadala Niya ang Kaniyang Anak  
na si Hesus upang maipako at mamatay sa Krus bilang parusa para sa  
ating mga kasalanan. Nabuhay si Hesus muli at pumunta sa langit!  
Kung kayo ay maniniwala kay Hesus at humingi ng kapatawaran para  
sa inyong mga kasalanan, gagawin Niya iyon! Siya ay maninirahan sa  
inyong puso ngayon, at kayo ay maninirahan na kasama Niya sa  
Kaniyang tahanan na walang hanggan.

Kung ibig mong iwasan ang iyong kasalanan, sabihin ito sa Panginoon:  
Mahal na Panginoon, ako po'y naniniwalang si Hesus ay namatay para  
sa akin at nabuhay muli. Maaari po bang pumasok Kayo sa aking buhay  
at patawarin po Ninyo ako sa aking mga kasalanan, upang ako'y  
magkaroon ng bagong buhay ngayon, at sa darating na araw ako'y  
kasama Ninyo sa Inyong piling na walang katapusan. Tulungan po  
Ninyo ako habang ako'y naninirahan sa mundo  
bilang Inyong anak. AMEN

Basahin ang Bibliya at manalangin sa  
Panginoon araw-araw. Juan 3:16

